

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj:009-0-SU-22-000230
Sarajevo, 04.07.2022.godine**

Na osnovu člana 31. Zakona o Sudovima u Federaciji Bosne i Hercegovine, („Službene novine Federacije BiH“ br. 38/05, 22/06, 63/10, 72/10, 7/13 i 52/14), člana 69. stav (1) tačka b) i stav (3) Zakona o javnim nabavkama („Službeni glasnik BiH“, broj 39/14) Predsjednik Kantonalnog suda u Sarajevu donosi:

**ODLUKU
O PONIŠTENJU POSTUPKA JAVNE NABAVKE**

I

Odlukom o poništenju postupka javne nabavke poništava se postupak javne nabavke usluge-čišćenje objekta Kantonalnog suda u Sarajevu, objavljen na Portalu javnih nabavki dana 19.04.2022.godine u 10:28 sati pod brojem 885-7-2-4-3-6/22, a u vezi sa članom (član 69. stav (3) ZJN), iz razloga što su i prvorangirani i drugorangirani ponuđač odbili da pristupe potpisivanju ugovora za premetnu uslugu.

Jedinstveni riječnik javne nabavke jeste JRJN-909199000-2 - Usluge čišćenja

Ova odluka stupa na snagu danom donošenja.

Obrazloženje

Na osnovu odluke o pokretanju postupka javne nabavke broj 009-0-Su-22-000230 od 18.04.2022.godine pokrenut je postupak javne nabavke usluge – Čišćenje objekta Kantonalnog suda u Sarajevu, procijenjene vrijednosti 45.000,00 KM bez PDV-a, putem konkurentskog zahtjeva javne nabavke usluga za predmetnu nabavku objavljeno je obavještenje na Portalu javnih nabavki (u sistemu „E-nabavke“) pod brojem 885-7-2-4-3-6/22, dana 19.04.2022.godine u 10:28, zajedno sa cjelokupnim tekstom tj. tenderskom dokumentacijom. Na osnovu zahtjeva za dostavu ponuda za predmetnu nabavku, dostavljene su ponude slijedećih ponuđača: 1) Konis d.o.o. Sarajevo, 2) Atalian global services BH d.o.o. Sarajevo i 3) Global technical Services doo Sarajevo GTS DOO

U skladu sa Rješenjem Ureda za razmatranje žalbi u Mostaru , broj: JN2-03-07-1-1407-8/22 od 10.06.2022.godine ponovnim pregledom i analizom svih dostavljenih ponuda ponuđača u predmetnom postupku, utvđeno je da se ponuda ponuđača „ Konis „ doo Sarajevo odbacuje kao neprihvatljive, u smislu odredbe iz člana 68.stav (4) tačka i) ZJN („Službeni glasnik BiH „ br.39/14).Ponuda ponuđača „ Konis “ d.o.o Sarajevo se odbacuje kao neprihvatljiva, jer nije dostavljena u skladu sa tenderskom dokumentacijom propisanu tačkom 5.1.10. Ponuda obavezno mora sadržavati slijedeće pod tačkom 11) Prijedlog („nacrt“) ugovora, koji je dat u Aneksu 6. tenderske dokumentacije, svaka stranica potpisana ili parafirana od ovlaštenog lica i ovjerena pečatom ponuđača;

Ponuđač, „ Konis“ d.o.o je dostavio Prijedlog ugovora bez da je svaka stranica potpisana ili parafirana od ovlaštenog lica i ovjerena pečatom ponuđača, kako je trženo zahtjevom, te se ponuda kao takva obacuje se kao neprihvatljiva.

Shodno svemu naprijed navedenom, Komisija je ponudu ponuđača „ Konis“ d.o.o odbacila kao neprihvatljivu.

- Komisija za javne nabavke formirana Rješenjem broj 009-0-Su-21-000012 od 12.01.2022.godine je 20.06.2022. donijela Odluku o izboru prvorangiranog ponuđača u korist ponuđača „Atalian global services BH“ d.o.o. Sarajevo, na osnovu koje je Ugovorni organ navedenom ponuđaču pripremio i dostavio Ugovor na potpis, obzirom da je protekao žalbeni rok na dostavljenu Odluku o izboru najpovoljnijeg ponuđača. Dana 01.07.2022.godine Ugovornom organu je od strane prvorangiranog ponuđača „Atalian global services BH“ d.o.o. Sarajevo, dostavljeno obavještenje o odustajanju od potpisivanja ugovora ponuđača, koja je u potpunosti van kontrole ugovornog organa. U skladu sa dostavljenim obavještenjem o odbijanju potpisivanja predmetnog Ugovora , Ugovorni organ se istog dana obratio drugorangiranom ponuđaču u postupku „ Global technical Services doo Sarajevo GTS DOO“ od kojeg je takođe dobio informaciju kako ni oni ne mogu prihvatiti potpisivanje ugovora iz razloga što su u fazi provođenja E-aukcije a u skladu sa Izvještajem o toku i završetku e-aukcije cijenu svoje ponude podnijeli sniženu do mjere neisplativosti za prihvatanje i potpisivanje ugovora, kako slijedi:

Rangiranje prihvatljivih ponuda nakon pregleda i ocjene ponuda, a prije održavanja e-aukcije, prema kriteriju za izbor ponude:

Redni broj omotnice ponude	Naziv ponuđača	Ukupna cijena ponude
1.	GTS d.o.o.	52.219,39 KM
2.	Atalian global services BH d.o.o.	52.509,60 KM

Prethodno navedeni ponuđači su pozvani da sudjeluju u e-aukciji koja je zakazana za dan 17.06.2022.godine sa početkom u 14:00 sati od strane Ugovornog organa. U skladu sa Izvještajem o toku i završetku e-aukcije, koja je završena 17.06.2022.godine u 15:08 sati, rang lista prihvatljivih ponuda nakon e-aukcije je slijedeća:

Redni broj omotnice ponude	Naziv ponuđača	Ukupna cijena ponude
1.	Atalian global services BH d.o.o.	39.780,00 KM
2.	GTS d.o.o.	40.078,78KM

Shodno svemu naprijed navedenom , ovaj postupak javne nabavke se poništava, i Ugovorni organ postupa u skladu sa članom 69.stav (3) Zakona o javnim nabavkama , s obzirom na to da je nastala situacija u potpunosti van kontrole ugovornog organa, i ista se nije mogla predvidjeti u vrijeme pokretanja predmetnog postupka javne nabavke.

Imajući u vidu navedeno, odlučeno je kao u dispozitivu.

PRAVNA POUKA: Protiv ove odluke dozvoljena je žalba koja se podnosi Ugovornom organu u roku od pet (5) dana od dana prijema ove odluke.

**Predsjednik suda
Vladimir Špoljarić**

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-SU-22-000392
Sarajevo, 05.07.2022. godine

Na osnovu člana 70. i 89. Zakona o javnim nabavkama (Sl. Glasnik BiH br.39/14) i Zapisnika o radu komisije za nabavku broj gornji od 04.07.2022. godine, Predsjednik Kantonalnog suda u Sarajevu donosi:

O D L U K U

o dodjeli ugovora ponuđaču **Middle Point Electronics d.o.o. Sarajevo** za nabavku usluge – audio-video snimanje za potrebe Kantonalnog suda u Sarajevu.

Obrazloženje

Na osnovu odluke ovog suda broj gornji od 06.06.2022. godine proveden je konkurentski postupak za nabavku usluge – audio-video snimanje za potrebe Kantonalnog suda u Sarajevu.

Na osnovu zahtjeva za dostavu ponuda za predmetnu nabavku, dostavljena je ponuda ponuđača:

1. **Middle Point Electronics d.o.o. Sarajevo**

Nakon izvršene analize pristigle ponude komisija je utvrdila da je dostavljena ponuda u skladu sa specifikacijom dostavljenom uz tendersku dokumentaciju, te se pristupilo njenom vrednovanju, a shodno navedenom kriteriju – najniža cijena tehnički zadovoljavajuće ponude.

Redni broj omotnice ponude	Naziv ponuđača	Ukupna cijena ponude
1.	Middle Point Electronics doo Sarajevo	17,55 KM/h

U skladu sa Pravilnikom o uslovima i načinu korištenja e-aukcije („Sl. glasnik BiH“ broj: 66/16), u postupku dodjele ugovora, a prema Kriteriju za dodjelu ugovora - najniža cijena (član 64.Zakona), tehnički zadovoljavajuće ponude, Ugovorni organ je predvidio provođenje E-aukcije. Predmetni postupak se provodi u informacionom sistemu Agencije za javne nabavke E-nabavke i predstavlja način provođenja dijela postupka javne nabavke , koji uključuje podnošenje novih cijena, zamjenjenih na niže. S obzirom da je u ovom postupku bilo predviđeno provođenje E-aukcije a na osnovu jedne prihvatljive ponude , E-aukcija se ne može odvijati sa jednim ponuđačem.

Kako je kriterij za dodjelu ugovora najniža cijena tehnički zadovoljavajuće ponude, utvrđeno je da ponuda ponuđača „Middle Point Electronics“ d.o.o. Sarajevo prihvatljiva, zbog čega je prihvaćena preporuka Komisije za nabavku da se ugovor dodjeli navedenom ponuđaču.

Imajući u vidu navedeno, odlučeno je kao u dispozitivu.

**Predsjednik suda
Vladimir Špoljarić**

PRAVNA POUKA: Protiv ove odluke dozvoljena je žalba koja se podnosi Ugovornom organu u roku od pet (5) dana od dana prijema ove odluke.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-SU-22-000163
Sarajevo, 04.04.2022. godine

Na osnovu člana 70. i 89. Zakona o javnim nabavkama (Sl. Glasnik BiH br.39/14) i Zapisnika o radu komisije za nabavku broj gornji od 01.04.2022 godine, Predsjednik Kantonalnog suda u Sarajevu donosi:

O D L U K U

o dodjeli ugovora ponuđaču *Interming d.o.o. Sarajevo* za nabavku usluge– preuređenje kancelarijskih prostorija Kantonalnog suda u Sarajevu.

Obrazloženje

Na osnovu odluke ovog suda broj gornji od 24.02.2022. godine proveden je konkurentski postupak za nabavku usluge – preuređenje poslovnih prostorija –Kotlovnica Kantonalnog suda u Sarajevu.

Na osnovu zahtjeva za dostavu ponuda za predmetnu nabavku, dostavljene su tri ponude i to slijedećih ponuđača:

- 1.Kula Mont d.o.o. Zenica
- 2.Interming d.o.o. Sarajevo
- 3.Cospex d.o.o. Zenica

Nakon izvršene analize pristiglih ponuda komisija je utvrdila da sve dostavljene ponude nisu u skladu sa specifikacijom dostavljenom uz tendersku dokumentaciju.

Ponuda ponuđača „ Kula mont“ d.o.o. Zenica nije u skladu sa tačkom 3.4.1.b) propisane tenderskom dokumentacijom, koja se odnosi na dokazivanje tehničke i profesionalne sposobnosti, jer nije ispunio uslov 3.4.1. b) koji glasi:

„da je ponuđač tehnički opremljen i osposobljen za pružanje predmetne usluge, kao i opis opreme kojom ponuđač raspolaže za izvršenje predmetnih usluga i osiguranje kvaliteta“
nego je kao dokaz dostavio Izjavu ponuđača o tehničkoj opremljenosti i osposobljenosti ponuđača bez opisa opreme kojom ponuđač raspolaže za izvršenje predmetnih usluga, čime traženi zahtjev nije ispunjen.Dostavljena Izjava ponuđača o tehničkoj opremljenosti i osposobljenosti ponuđača je nepotpuna , traženi zahtjev nije ispunjen, te se ponuda kao takva odbacuje kao neprihvatljiva.

Rangiranje prihvatljivih ponuda nakon pregleda i ocjene ponuda, a prije održavanja e-aukcije, prema kriteriju za izbor ponude:

Redni broj omotnice ponude	Naziv ponuđača	Ukupna cijena ponude
1.	<i>Cospex d.o.o. Zenica</i>	58.439,16 KM
2.	<i>Interming d.o.o. Sarajevo</i>	58.496,49 KM

Prethodno navedeni ponuđači su pozvani da sudjeluju u e-aukciji koja je zakazana za dan 01.04.2022.godine sa početkom u 11:30 sati od strane Ugovornog organa. U skladu sa Izvještajem o toku i završetku e-aukcije, koja je završena 01.04.2022.godine u 12:50 sati, rang lista prihvatljivih ponuda nakon e-aukcije je slijedeća:

Redni broj omotnice ponude	Naziv ponuđača	Ukupna cijena ponude
1.	Interming d.o.o. Sarajevo	52,591,50 KM
2.	Cospex d.o.o. Zenica	52.650,00 KM

Kako je kriterij za dodjelu ugovora najniža cijena tehnički zadovoljavajuće ponude, utvrđeno je da ponuda ponuđača Interming d.o.o. Sarajevo prihvatljiva, zbog čega je prihvaćena preporuka Komisije za nabavku da se ugovor dodjeli navedenom ponuđaču.

Imajući u vidu navedeno, odlučeno je kao u dispozitivu.



Prědsjednik suda

Vladimir Spaljarić

PRAVNA POUKA: Protiv ove odluke dozvoljena je žalba koja se podnosi Ugovornom organu u roku od pet (5) dana od dana prijema ove odluke.